



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,  
CARDINALITIIS DISPUTATIONIBUS  
*manè discutienda, in Scholis Medicorum, die Lunæ trigesimo  
Martii anni M. DCC. XXXIII.*

M. LUDOVICO DE SANTEUL,  
Doctore Medico, Præsidente. *Autore.*

*An sana Sanis Dieta Quadragesimalis?*

I.



QUI piè vivit, vivit salubriter. Materialis valetudo in Ho-  
mine à corpore pendet, Formalis ab animâ; hujus tutela  
Religio est, illius conservatio Medicina nostra. Sanitas  
ergo adæquata, Utriusque cognitionis commune commo-  
dum, par Sacerdotis & Medici votum & opus. Disciplina  
Religionis quasi medicina mentis, quâ illâs æconomix  
animalis juribus, Homo his in terris se se beatum sentit,  
meritamque à Christo Æternitatem, sibi metipsi comparat, factus suorum sen-  
sus iudex, dominus ac victor. Cujuscumque in Cognoscendo certioris,

A

in Amando perfectioris, in Sperando dulcioris, in Gubernando prudentioris, in Ornando decentioris, in Agendo candidioris, in Vivendo sanioris, promptuarium est Religio. Hosce veri bonique *thesauros absconditos & arcana secretorum* commisit Ecclesiæ Christus, idest omnibus hominibus ad usuram, Viris Apostolicis ad doctrinam. Unius Dei, Cultus unus; Ex eo societatis bonum & felicitas; Hic unumquemque hominem informat, quoad Naturam, Rationem & Mores, relativè ad se & ad alios homines; Qui vera est mutui radix, Personarum, Jurium, Officiorum indicat discrimina. Deo serviunt omnes, sed aliter Pontifex, aliter Rex, secùs monachè viventes, conjugati, cælibes. Una Ecclesiæ doctrina, Multiplex ac diversa ejusdem Disciplina; Hæc vel privata, vel communis est: Privata homines in certo quodam statu positos spectat, Communis ad omnes cujuscumque ordinis pertinet. Doctrina respicit animam; Disciplina totum hominem. Homo igitur sese totum Religioni debet. Distinguntur quidem anima & corpus, sed nusquam per vitam separantur. Nihil fieri potest in animâ quod ad corpus plûs minùsve sensibiliter non extendatur; Et vicissim nihil sit in corpore quod postea mentem non afficiat. Preces indè, meditationes, studia, otium, solitudo, silentium cum laboribus, inò motibus spontaneis æquilibranda sunt. Corpus non ergastulum, pretiosum est animæ domicilium in dies perficiendum, cujus vel reliquias Secundæ redditura Vitæ servat Ecclesia. Eorum quæ necessaria sunt, facilis est abusus; Circa Victum & Vestitum plerique hominum errores; Ad eos præcavendos, aut emendandos tota ferè Christi doctrina, omnis Ecclesiæ disciplina. Primariæ ergò societatis Leges ab istis fontibus derivatæ, rationi & politicæ apprime consonantes, partem hominis inferiorem spectant & gulant. Ex hisce duabus partibus diversimodè moderatis, instituti vatri virorum Ecclesiasticorum Ordines; Isti omnes sunt necessarii, nulli contra naturæ vires, illarum institutionum sapientia, in eo posita est, ut Homo totus circa Deum applicetur, sine ullo æquilibrii corporis & animæ detrimento. Hoc præstat rerum non-naturalium & externarum pia tractatio, quâ corpus iisdem fruitur commodis ac exercitatione. Jejunium proprius Sacerdotum labor, Deo conspicuus, vulgarium hominum oculos fugiens, cujusque testis ipsorummet conscientia, sic in sudore vultûs manducant panem, sic suam societati, ut cæteri cives, conferunt operam. Vita aliorum hominum non omnis, sed penè tota in jejunio posita est; Triplex est jejunium, aliud Naturale, aliud Rationale, aliud Politicum. Qui scit à voluptate & à gulâ jejunare, faciliè abstinet ab iniquitate, malis sermonibus, cogitationibus pessimis; perverâ doctrinâ, fallaci philosophiâ; hinc à Naturali jejunio ambo alia pendent. Naturale jejunium est ea in vivendo temperantia, quâ quis indigentia temporis non prævenit, cibos non quarit lautiores, non petit eisdem paratè accuratiores, nullam alimenti sive abjectioris, sive delicatioris æstuosè desiderat speciem, denique in quantitate sumendâ mensuram servat. Illæ vivendi Leges quotidie commendantur à Medicis ad morbos præcavendos sanitatemque conservandam, Eadem ab Ecclesiâ sanciantur, determinatâ alterius cibi specie, in Dicitâ Quadragesimali; Dicitur Quadragesimalis ex eo quod per quadraginta dies adhibeatur; Sic Octava anni pars Deo consecratur, sic ad ce-

3  
lebrandum Pascha, singulorum Christianorum Corpus tenuiori & rariori cibo maceratur; illa maceratio salubris est, quæ veras in Individuo valetudinis causas refocillat, nihil ab ipsis deterit, imò animam inter & corpus æquilibrium tuetur.

I I.

CREDERE & profiteri Medicorum est, Hominem apud Deum mereri; Ex peractō religioſe quadrageſimali jejunio. Illud idem probare, ſi ſit aut eſſe videatur opus, Theologorum eſt. Sit in Medico religionis amor, abſit in Sacerdote Medicinæ horror; hæc firmat Fidem, illa Medicinam auget. Ex Medicis luculentiora exiſtentia Dei, mentis in corpus potentia argumenta ſumunt Theologi. Ex Theologis, Medici pariter præſentiora agnoſcunt ac venerantur auxilia in morbis ab animo proſectis: Corpus non-nunquam in Cogitando luxuriæ & in Sentiendo libidinis innocens victima. In hiſce caſibus quot ſublata occaſiones, quot ceſſata cauſæ, quot præviſa vel mitigata ſymptomata, ex monitis, eloquio Sacerdotum. Mulier temperamento bilioſo & ad iram pronò, plùs quàm ſexies per annum vehementi Epilepſià corripiebatur, à paroxiſmo per plures dies ſtupida remanebat, fruſtrà frequentes adiverat Medicos, miſeram ſortem Sacerdoti exponit, ipſique fateatur ſe exiſtimare diri ſui mali cauſam oriri, ex innatà ingeniſui indole, quæ ex levioribus vitæ anguſtiis ſuccenſeret. Chriſtianè pati, ſeu cogitare ipſam edocuit Sacerdos, & proſectò Ea nunc integrè poſitur valetudine. Ens increatum eſt cauſa exemplaris Entis creati. Deus ſemetipſum delineavit in operibus ſuis. Quemadmodum ergò à potentiarum in organis corporeis & in fluidis harmonià, corporis ſanitas, Ita forſan mentis integritas, ab ipſiſmet facultatum conſonantià. Metaphyſicum illud æquilibrium nec impoſſibile, nec Fidei fundamentis repugnans, nec apud Philoſophum ullius abſurdi capax. Animi pathemata, aliquando animi actus & opera, ideſt abſque ullà externa occaſione & ſine ullo in corpore motu primario aliquando oriuntur. Harumce mentis affectionum cauſa, idea perennior. Ex hiſce affectionibus ſiunt inſoliti & ſecundarii in corpore motus, ex quibus ſic affecti inſanire videntur. Iſti motus ſunt affectiones, non affectus, ideſt nihil ſenſibile relinquunt. Iſtud ſit ex eo quod partium ſolidarum tonus non ſit determinatus, aſt nunc ad, nunc præter, nunc contrà naturam, certos intrà limites augeri vel minui poſſit. Signum affectionis corporeæ ab animo pendentis, febris abſentia, nulla, aut ſaltem minima in pulſu variatio. Acriter aliquid aliquis intendit, medietatur, ſtudet, deſiderat, vel brevè fatiſcet Corpus, vel plùs minùſve irritabitur. Conſequentur iſtarum affectionum accidentia, ſtupor, tetanus, vertigines, oculorum inſtantia, eorundem immobilitas, motus melancholici, hypochondriaci, artuum pandiculationes, tremor, figurata muſculorum morio, indecens totius corporis quæſſatio. Stupenda credentur hæc omnia in Homine phænomena, Hæcæ aliquandò excitare poſſunt ſollicitatus in corpore mechanismus, præſertimque in vinculo mentis & corporis modalis ſingularitas. Primi Philoſophi rerum naturalium cauſas Diis tribuebant, dein quibdam Spiritibus creatis, quorum alii extrà res naturales poſiti, ipſis proſpi-

4

ciebant, alii intrâ ipsas agebant, inde Paganorum, Cabalistarum, Peripateticorum fabulæ; Neoterici alio modo in inquirendâ veritate processerunt; Anatomes, Chimia, Geometria, Phisicæ experimentalis auxilio, diversas sinxerunt hypotheses, quibus in functionibus naturalibus, nihil ab animâ immediatè proficisci, demonstrare conati sunt; Nec hi prioribus sapientiores, Corporibus nimium impertiunt: Homo ultimum est & peculiare Creationis opus. Non eodem tempore cum aliorum animantium genere factus est. Propria ipsi fuit servata Creatio. Num in aliis corporibus dentur animæ, dubitare licet. De suæ animæ existentia nullus ambigere potest. Quid vetat ergo in homine affirmare constitutam naturæ legem, prorsus discrepantem ab eâ, quæ plantis, mineralibus, imò ceteris animalibus data est; Et Lex ista *Æquilibrium* est mentis & corporis; *Commercium* idest utriusque substantiæ, nonnihil ab hominis voluntate pendens, quo utraque inter se reciprocatur, undè pacatim sunt unicuiusque functiones, ita ut Homo ex utrâque parte valens, sit societatis particeps. Sint ista quatuor Phisicæ Medico- Christianæ fundamenta. 1<sup>um</sup> Anima non merè passiva; 2<sup>um</sup> Corpus non simplex automata; 3<sup>um</sup> Non datur liquidum mobile tenuissimum; æreum, spirituosum; 4<sup>um</sup> Corporum potentia non à tenuitate, sed à convenienti conformatione & mole. Corpus & Animam jungi nullus est qui inficias eat, nullus qui utrumque in se invicem quâdam proportionem operari difficulter credat. Hocce negato *æquilibrium* singularia hominis, sive in sanitate, sive in morbo, sive in quibuscumque vitæ circumstantiis intelligi non possent. In mixtis sunt quædam proprietates, quarum aliæ à distinctis qualitativis, aut à certo principio emanant, aliæ quæ ab adunatis istorum corporum qualitativis oriuntur. Ità sunt in homine attributa, quorum alia à solâ animâ, alia à solo corpore, alia ab utroque surgunt: *Æquilibrium* corporis & animæ est quasi *forma substantialis* veterum Philosophorum, explodenda quidem, quatenus ficta *materialis* simul & *spiritualis*, admittenda verò quatenus significans fieri in homine nonnulla à corpore simul & ab animâ. In statu sano v. g. *Idiosyncrasia*, *temperamentum*, *ingenii indoles*, *functionum ordo*, *situs*, *duratio*, *curfus*, *determinatio*, *tempus*; In statu morbofo *mania*, *delirium*, *melancholia*, *malum hypochondriacum*, non sunt unius corporis, neque solius animæ, sed sunt utriusque effectus, sive potiùs *æquilibrii corporis & animæ modificationes diversæ*: Prædicti morbi plerumque sunt *imateriales*: Eorum ideo qui ex ipsis periëre, apertis Cadaveribus, nulla ferè detegitur causa. Infinitè variat corporis & mentis *æquilibrium*, Nunc modale majus occurrit momentum in animâ, ut in sensationibus; Nunc in corpore, ut in secretionibus; Hoc viget in somno, illud in vigiliâ. Existentiâ istius *æquilibrii* demonstrant læsæ imaginationis effectus. Mulier utero gerens sæctum edic nœvis deturpatum, ex eo quod aliquid quo frui non potuit, diutiùs desideravit; Altera ex crurifragio *Nebulonis* vehementer horrore supplicii percussa, parturit infantem cujus artus in medio ossium fracti nati sunt, Ipsiùs mente commotâ, quassata fuere & ejusdem corpus & embryonis stammina, quæ præ tenuitate, terroris impetum sustinere non potuerunt. Hisce accidentibus matrem inter & sæctum elucescit commercium.

In Gravidà circa res quascumque necessaria sapientia est, ne ipsius delictorum victimam pariat prolem. Morbi simplices quotidie graves, imò lethales sunt in iis qui nimium vitæ & sanitati student, quique præsertim vel minimi impatientes sunt doloris. Perversa cogitandi ratio plures efficit agros, quibus Medicina, ars aut venefica, aut illusoria & inutilis; E contrà animi præstantia Cachecticos, corpore tenues, imò phthisicos ad senium ducit. Robur in Operariis, in Artificibus industria, in Bellatoribus magnanimitas, diversa totidem istius æquilibrîi species & argumenta. Pretium indè religionis, recta à puero institutionis, bonorum exemplorum. Compositum est istud æquilibrîum; Suum est singulare animæ, suum est peculiare corpori, ex utroque adæquatam hominis æquilibrîum. Animæ functio, cogitatio; Corporis actio, motus; Æquilibrîi adæquati opus, judicia & mores. *Non ex solo pane vivit homo, sed ex omni verbo quod procedit de ore Dei*, animæ æquilibrîum servatur verbo Dei, Pane benè moderato servatur æquilibrîum corporis.

### I I I.

**QUADRAGESIMALE** Jejunium, etiam quale sit hodie, servat corporis æquilibrîum. A pristino ab Apostolis tradito licet differat, utpote strictum minùs, ejusdem efficaciz est. Securè indulget Ecclesia. Ampliatis vitæ humanæ laboribus, Aucta alimoniz copia nihil ab abstinentiâ detrahit. Æquilibrîum corporis est ea partium Solidatum est texturâ dissimilium; robore & elatere proindè discrepantium motio, quâ pro diversâ quæ singulis organis insunt, cavitare, figurâ, positione, Fluida, crasi & mole inter se differentia, inæquali fluiditate & progressu acta, tamen in se invicem confluent, ordinatoque circuitu per totum corpus circumeunt. Istud æquilibrîum non est ad *pondus* sed ad *justitiam*, id est non semper idem, sed varians & mobile, pro diversis rebus externis quibus objicitur homo. Nec incerta ista mobilitas, voluntati obtemperat. Fibrillarum toni certus est tenor, intrâ ipsam vel contrahuntur, vel extenduntur. Ubi ultimos ejusdem laxitate, aut erethismo tangunt fines, tunc fit ægritudo universalis vulgòque funesta, sic affectus marasmodici, sic habitus athletarum ad summum progressi. In hisce casibus absque dolore peteunt ægri, mortisque causa, motus in fibris quasi deletio. Penitus perditî organici istius æquilibrîi tristitia cernuntur incommoda, in quodam haud rariori affectu qui chronica appellari posset Apoplexia; Obesos plerumque corripit, facti usque ad cutem pleni, noctu diuque dormiunt, nihil auribus nisi brachio commoti, aut vocis strepitu percussî audiunt, indolent, Bovinam præ se ferunt faciem, ipsi tument & rubent oculi sæpè lacrymis spontaneis madidi, vitrea ex ore exudat saliva, mentum præ pinguedine ad sternum descendit. Citò solvendus instat iste habitus, sed incassum; si crebrior tentetur sanguinis missio, concidunt vasa, si Emeticis suscipiatur opus, rumpuntur, aut si resistant adhuc, febris ingruit gangrenosa futurâ mortis nuncia. Hujusce febris vulgare signum, vel transpirationis fætor, vel maculæ purpureo-nigricantes per artus hinc indè dispersæ. Sentiuntur Principia in Corpore



agentia, nec Anatome, nec Chemicâ Encheiresi deteguntur solis. Medicinâ est prima hominum probabilitas, verâ eorumdem scientiâ ordine proxima; Fulciatur ista conjecturis, semper iisdem, Sensuque intimo suggestis. Judicia ex ipsis elicitæ æquæ certa sunt ac ea quæ ex sensuum nostrorum relatione feruntur. Hisce judiciis alteri sit quod sibi quis fieri vellet, si simili morbo laboraret. A Medici probitate, Medici perspicacitas, Morborum & sanitatis causæ efficientes iisdem innotescunt viis. Eorum quæ à Deo emanant & singulariter pendent, Ars conjiendorum maxima; Huic se se indefinenter alluere debet Medicus. Videtur ergo corpus humanum, fibrarum tubulosa compages, successivæ contractionis & dilatationis capax, fluida diversî generis admittens, moderans, retinens, & evacuans. Motus quo ista agitur machina, duplex. Alter internus, alter adventitius: Organa motûs interni, Cor & Cerebrum; motûs adventitiî, Cutis & Abdomen. Ut istæ duæ ultimæ partes sensibus & oculis magis patent rebusque externis magis exponuntur, ita præcipua sunt Medicinæ sive ratiocinantis, sive curantis objecta. Quod in fœtu placenta est, illud idem in adultis abdomen. Viscus est ex visceribus plurimis conflatum; Est nempè jecoris, lienis, renum, vesicæ, stomachi, intestinorum, vasorum lacteorum, mesenterii, omenti ordinata coagmentatio, in ductum thoracicum, funis umbilicalis instar, ad venam subclavialem terminata. Cutis est membranaceum organum, aëri undèquaque expositum, ex quorumcumque vasorum & fibrarum cujuslibet generis præcipuè nervorum finibus textum, partim ossæ, partim carnæ substantiæ particeps, ejusdem prosapiæ sunt Pili, Ungues, Ligamenta, tendines. Mirabilis est cutis & abdominis inter se conspiratio. Ubi hujus laxitas, ibi illius densitas & vicissim. Utriusque consensus circâ ægros potissimum observatur. Nullus diuturnior in cute, vel in abdomine detegitur affectus, nisi simul utrumque laboret, aut brevî aliquâ ægritudine laboraverit. Liqueat in ictero, in capitis majoribusque artuum vulneribus, in scorbuto, in plerisque infantium morbis, scabie, scrophulis, in colicis affectibus, in cholera morbo, in variolis, in lue venerea, in hydrargiri ad eam sanandam extûs illiti usu, in sinapismorum applicatione, in venenis intûs sumptis, quorum nulla in abdomen solum, vires suas exerunt, sed omnia ad cutem sive colorem mutando, sive sudores excitando, sive motus convulsivos pariendo, sive caloris aut frigoris sensationem inurendo extenduntur. Demùm in venenatis animalium mortibus, ut Bufonum, Aspidum, Viperarum, quorum ictus neglectos, non tantum sequuntur partis vulneratæ dolor, tumefactio, syderatio, sed fere semper succedunt totius corporis inflatio, ventris meteorismus, cardialgia, vomitus, syncope. Ad sanitatem conservandam maximi momenti est ista cutis & abdominis habitudo. In utroque adest interni elateris terminus, ab utroque hic externam vim accipit, quâ retinendo semper evacuat, aut ad evacuationem ducit, sive humores in proprias cystides pellendo, sive eosdem ad motus voluntarios, aut naturales, in musculos abigendo. Corpus per diem nihil aut parùm sibi metipsi applicat, aliquali indè liquidorum mole versus noctem superatur. Ubi lassitudo, artuum pondus, sen-

suum externorum feriatio, quietis & somni necessitas, ibi digestionum, secretionum & nutritionum maturitas, Succilalibilibis orgasmus, est naturalis somni causa; Evincunt diluentia, ut herbae *Thépotus*, quo commodè utuntur qui vigilare volunt. Per somnum digestiones fieri probant affectiones à crapulà remanentes, ut febris, hemicrania, nausea matutina, oris amaror & linguae ariditas. Qualis vigilia, talis somnus; id est si per diem aliquid delicti fuerit, in victu, laboribus, cogitationibus, noctu aderunt terrores, insomnia, corporis versatilis agitatio, totidem affectus vel ab animae impressionibus vigentibus adhuc, imperfectè cessatis, vel ab uberiore, crudiore aut acriore lymphâ profecti. Quantus aër, tantus cibus; id est pro cutis ab aëre pressione, ea in stomachum alimentorum, habità ratione speciei, apponenda quantitas; Tenuior indè in regionibus calidis, crassior in frigidis alimonia. Aëris mutationes, alia diurnae, alia menstruae; Graviores quae singulis tempestatibus contingunt. Ex istis mutationibus hominis Aequilibria tentantur. Ne Corpus Animae vim inferat, sancitae fuerunt ab Ecclesiâ ciborum mutationes. Omnium aëris mutationum saluberrima, Quae Verno contingit tempore. Praestantissima pariter, Quae per istam tempestatem, Ecclesiae mandato fit ciborum mutatio. Verni aëris elateri & mobilitati, respondent alimoniae Quadragesimalis tenuitas, raritas & varietas. Victus iste corporis aequilibrium servat, fibras nec deterit, nec debilitat; ipsius occasione Oeconomiae animalis intima resurgit vis, Natura suas feliciter experitur crises, demùm citrà ullam in mente perturbationem, verè novo renovatur Homo.

## I. V.

**Q**UANTA debentur Ecclesiae! Alma societatis mater est; Ex ipso præcepto datur esca Fide secunda, Ratione necessaria, visu aliundè pulchra, gustuque delectabilis. Venit & ex omni parte commoda, versùs finem Hiemis initiumque Veris. Hiems parasita tempestas, frugibus vivit alienis, sive perennioribus, sive induratis igne, siccatisque Sole, sive saccharo acetovè conditis. Gaudet etiam salsamentis, quae temperata mirè secretionibus atque nutritioni conferunt. Jejunantibus multiplex offertur cibus. Quidquid tunc abortit Terra, Mare & Flumina produnt, Quaecumque fingit Ars, humana servat Providentia, praesto sunt ad vescendum. De omnibus ut Christiani comedant præcipit Ecclesia, Unà exceptà Carne. Tempore Quadragesimae, pisces, legumina, olera, fructus, lacticia, sola licitè & tempestivè ministrantur. Erant olim Parentum nostrorum edulia, iis nutriuntur hodiè plerique Rusticani, & primà ætate Pueri. Profunt adoptata more suo Viventibus, Solitariis, Monachis; Nocere continuata nimis, Puberibus, Conjugatis, Personis publicis, Cuique demùm civilibus obligato Legibus. Quamdiù viguere Morum simplicitas, Mansuetudo, Opera facilitas, tamdiù alendo sufficiens fuit fructuum Naturae paratorum copia. Ubi crevere hominum Labores, Ambitio, Curiositas, tunc emerfit fortioris cibi, Carnis indè necessitas. Hinc dedit inflicta animantibus Mors, Dedit & Me-

dicamenta, Vestimenta, Ornamenta, Instrumenta, Felix ergo Carnis usus; Moderanda illius quantitas. Hoc præstat pro singulis diebus, Secunda quæ probè jungitur mensa; pro singulis annis, Quæ huic analogâ, sanctè suscipitur Dieta Quadragesimalis; Caro non ut immunda, sed tanquàm nimium succosa, voluptatisque stimulos acuens interdicatur. Succus ex eâ elicitus rigidiores sunt, ex aliis cibis tenuiores, fugacioresque; Ex omnibus vivitur, non ex omnibus æquè nutritur. In homine sano excernuntur humores, eâ ratione quâ ipsorum sumitur materies; Singulis diebus aliquid evacuandi, vel in sanguine remanet, vel ad ipsum remeant. Nascitur indè Plethora quædam, quâ quis ad libitum sexcentis vitæ officiis, prout res, casus, occasio, aut decencia postulant se se accommodat. Ista Plethora sensim sine sensu augetur. Nonnihil aliquandò minuitur, vel Menstruorum, vel Hemorrhoidum, aut urinarum sive rato, sive contingenti beneficio; Hujus tamen superest majus corollarium, quo fit consequens fibrarum extensio, sine sanitatis dispendio, quamdiu frigore Hiems robur addit fibris, humorumque quantitatem & resistentiam compensat. Accedente Vere, Aër calore suo & humiditate tum nativâ, tum à frequentibus imbribus ortâ, eos in Oeconomiam animalis excitat motus, quibus tota conatur ad tonum recuperandum, succosque Hieme congestos exprimendos. Ut isti felices sint motus, præcaveri debet ne Quæ per annum sit ad vasâ plenitudo, vires impetât corporis. Ut eorundem motuum fausti sint effectus, Quæ sit veris ortu colliquatio debet esse nec nimia, nec libidinosa, nec morbosâ. Dat hæc commoda Dieta Quadragesimalis. In eâ duo sunt consideranda, jejunium & cibi præscripti species. Hæc ad motum comparata, perparum ad molem; Non necessaria est iis qui per vitam Quadrupedibus Volatilibusque abstinere, Quales sunt Monachi quidam; Impossibilis est aliquandò, ut apud quasdam Gentes quibus non datur alimentorum ab Ecclesiâ cautorum copia. Jejunium est semper & ubiquè necessarium & possibile; Ab eo præsertim Dieta Quadragesimalis, vel præstantia, vel nocumentum. Supponit ferè factam in corpore accretionem, vult integra viscera, præcipuè pulmones quibus insensum est, si sit in ipsis aliqua labes. Jejunio nullus tenetur nisi elapso ætatis vigesimo primo, quo tempore uniuscujusque jam nota valetudo est. Innotescit jejunii virtus, minùs quamdiu adhibetur, quàm eo finito, solitisque assumptis cibis. Jejunio succi restui circulationis legibus redduntur, rursumque nutritioni cedunt. Solida molis indigesta aliquid amittunt, plurimum roboris & elasticitatis deinceps acceptura; Quæ sit in iis afflictio sive maceratio, est in dies crescens intus fibrillarum contactus, quo anima molestam percipit sensationem, haud absimilem dolori quem à novâ earundem extensione suscipit convalescens, ubi primum se se exercuerit; Hæ impressiones in Convalescente nutritione delentur, illæ in Jejunante peculiari suâ diætâ servantur ad tempus. Ne homo istis adventitiis assuescat molestiis, Ecclesiastica disciplina comestionis horam indicavit, ciborumque speciem & quantitatem definivit; Nequè hæc animi diuturna pathemata mentis & corporis æquilibrium perturbant; Dura licet, pietate leviora sunt, Mentem circâ Deum applicant, sensuum acumen operantur, motus corporis compescunt,



pescunt, liquida alio dirigunt. Ex viscerum inanitione fit rator libidinis ansa, ejusdemque meritorie semper, etsi minus ægre refrænatur impetus. Ver saluberrimum est; Plurimi tamen per ipsum oboriuntur morbi, aliarum tempestatum affectibus simpliciores, breviores, judicatuque faciliores. Horum minus causa quam occasio hujusce tempestatis aer, nisi sit epidemicè tentatus. Vernus aer naturam juvat, modò insidiosè corroborat. Optima prophylaxeos species est Diæta Quadragesimalis. Eam œconomix animali conciliat motionis speciem quâ per totum annum se se rebus non naturalibus accommodat Natura. Victus iste Canalibus lymphaticis & excretoriis concedit libertatem, Liqueurum facillat circuitum, ipsi justam impertit crassim, Visceribus vigorem, Nervis robur. Rerum certiorum & utiliorum ea fors est, ut impugnentur aut contemnantur. Eas indè Quadragesimalis laudes alii dicent fabulas pueriliaque præjudicia, alii in eas sic arguent: An hocce Ecclesiæ præcepto universus regitur Orbis, Nonne huic addicta minor ejusdem portio, Nonne inter Christianos Hoc à pluribus neglectum, à Nonnullis palam repudiatum, Qui ipsi obtemperant, aliisne sunt vegetiores? Non inutilis Medicina judicatur, ex eo quod aliqui absque eâ, vel à gravioribus emergant morbis, Manet semper debita temperantiæ & frugalitatis laus, licet Nonnulli voluptatibus impunè serviant. Ad valetudinem commendatur pariter Diæta Quadragesimalis, etsi se sanos existiment, qui eam susceperunt numquam. Animalitati non necessaria est, sed Humanitati. Triplex est Terræ incolarum vivendi ratio. Alia solis Naturæ legibus innixa, alia iisdem sulca legibus, sed quâdam Superstitione informatis, alia ex Religione à Deo datâ, quâ servatur Natura atque perficitur. Novi orbis populi vagantur, solitariè, saltè domesticè vivunt, soli obediunt Naturæ, aërem experiuntur constantiorem, cibo simplici utuntur. Europeorum aliqui ex naturâ magis, quàm ex ratione gubernantur, liberiori & pleniori indulgent Veneri, alimonix temperandæ parùm solliciti, ad delendos victus errores quotidie usurpant diversa potuum genera, tabacivè fumo redundantem lympham eliciunt. Mores isti ad nos usque pervenire, Accepti primùm ab iis qui circâ ciborum speciem Ecclesiæ mandata deseruerunt, eodemque tempore de virginitate, cœlibatu, matrimonio non pepercere legibus. Non indè diutius feliciusque vivunt. Morbi apud ipsos hæreditarii non minus perennes, nec Endemii minus acres. Sua est Medicina crebrior & vehementior. Nihil mutando profecere. Sanitati prodesse Diætâ Quadragesimalem pauci norint, Non nocere consentient omnes, solis aliundè præscribitur sanis.

## V.

**L**EGUM Ecclesiasticarum præcisa observatio parit constantiam; In iisdem adimplendis pietate fervidiori gliçens obsequium, cessationem movere aut cogit ad negligentiam; istud videre est in junioribus Monachis, præsertim sequioris sexûs. Antequam aliquis quadragesimale jejunium suscipiat, suam ipsi licet inquirere valetudinem; Si pariat dubitare sapientis est, sed pro-

*hibita violare non præsumat nisi à Sacerdote permissum percipiat.* Medicos etiã consulat, corpori simul & animæ prospiciunt, totum hominem curant; in eo debitus Iplis consistit honos, quod non ad salubrem tantum, sed ad legitimam vivendi rationem necessarii sint. In Medico tres requiruntur dotes, Pietas, Prudentia, Sagacitas. Pietate jura divina tum primaria, tum secundaria tuetur, Prudentiã nihil in judicando è Naturæ legibus detrahit, fisci- tantem nec irritat, nec abjicit, nec ludit. Sagacitate evincit & suadet, Ut legitima detur à jejunio immunitas decem sunt observanda, 1.<sup>o</sup> temperies, 2.<sup>o</sup> ætas, 3.<sup>o</sup> conditio, 4.<sup>o</sup> sexus, 5.<sup>o</sup> corporis habitus, 6.<sup>o</sup> ingenii in- doles, 7.<sup>o</sup> consuetudo, 8.<sup>o</sup> vitæ munus, 9.<sup>o</sup> incommoda præsentia, 10.<sup>o</sup> ma- la quæ ex Dictâ Quadragesimali possunt contingere. Quæ ex hisce de- promuntur impedimenta, alia jejunium, alia ciborum speciem, alia quan- titatem, alia omnimodam abstinentioniam respiciunt. *Temperies* sæpè accu- satur tanquam impedimentum, Ipsi ne nimis auscultet Medicus. Est ista unicuique homini singularis in fibris oscillandi ratio, quæ ad normam suam, quæcumque appellunt fluida subigit. Tenax istè solidorum motus sit le- gifer, plurima ex eo sunt in homine animalium more, anima tunc quasi obe- dit corpori; Ut temperiei resistatur quatuor postulant, Vita, Sanitas, Ra- tio, Religio; Hæc potissimum quæ animales perficit functiones, eã mente ut sive bibamus, sive comedamus omnia propter Deum fiant. Picrocholi à je- junio immunes esse debent, sed à Carne abstinencia ipsis necessaria; Pluri- ma ex alimentis Quadragesimalibus ipsis proficua sunt. Stricte agendum est cum iis qui ex Dictâ Quadragesimali acriorem experiuntur libidinis sensum, Aquei & Humidi suadendi sunt cibi, Prohibenda condimenta, saccarata, Lar- gior potus commendandus, si per diem aliqua sentiatur sitis, Aquæ cyathus unus aut alter indulgeri potest, alimentorum distributioni favet, pleniorẽ non efficit nutritionem. Prima & ultima ætas excusant à jejunio; Infantes jam vitæ septennium adepti, cibis quadragesimalibus debent assuescere, si præsertim promptè crescant aliquaque dent evolutæ mentis indicia. Ex Se- nibus non immunes qui facillimè jejunium ferunt, id est qui mente sunt integri corporeque vegeti, soli inter eos qui anili marcore consciuntur, quibusque fit frequens ventriculi morsus. *Conditio* personatum neminem dispensat, Quicumque sive Optimates, sive Plebei jejunii observantiæ obligantur. Certam paupertatem excusant Canones, de divitiis silent, his etiã potissimum utilis Dicta Quadragesimalis; Ipsi tamen sæpè interdicitur, non ob nobilitatis stemma, sed ob incertam aut malè cognitam valetudinem: *Mulieribus* gravidis, puerperis, nutricibus jurè prohibentur jejunium & ab- stinencia. Lac & chylus parum inter se differunt; Aliqua gravidis relinqui- tur libertas, si sanguinæ, si pingues, si pituitosæ, si felix ipsis crebro fiat gestationis tempore venæ sectio, si ciborum qualitate aut minutè, tardatæve refectione nullum experiantur sensibile incommodum. Tenuior corporis ha- bitus est causa legitima dispensationis, saltem à jejunio. Si tunc cibi appo- nantur Quadragesimales, mensa sit plenior, mollior, dilutior, & vix pa- rumper aromatica, somnus suadeatur longior. Obesi rarò judicantur jeju- nando imparaes, aut in iis aliquandò latent affectus, in quibus temeraria

foret & periculosa jejunii susceptio. *Ingenii indolēs* corporis temperiei affinis, Huic nonnumquam condonandum. Prompta est & frequens de quibuscumque rebus judicandi ratio, nec usu, nec experientiā perfectē emendabilis, Organa facillē afficiens, modō in ipsis motum ciendo, modō compescendo. Varias parit in corpore affectiones, ut hemicranias, vagos in artubus dolores, infomnia. Quos affligit, nullatenus agrotare videntur. Diligenter tamen observet Medicus, animi morbos deteget, nempe iracundiam, rixas, incompósitos oris, membrorum motus, multiloquium, vocis strepitum, taciturnitatem. Ne graviores fiant istiusmodi agitudines, prudentis medici est, si præsertim de Virginibus Monachis agatur, præceptorum Ecclesiæ exequium, vel paululū mitigari, vel procrastinari, vel duntaxat tentando peragi sinere. *Consuetudini*, ubi pretextitur, nulla habenda ratio; Ipsi Medicina cedit; Religio numquam. Est quædam alicujus sumendi vel gerendi facilitas, orta non ex necessitate, sed ex ingenii indolis, & temperiei mutuo consensu, quo menti solatium & voluptas, corpori bonum aliquandō, saltē rarō incommodum accedunt. Efficaciū hominī prodest, licet inasueti suadens Pietas. Dubitante Malassare, Daniel & ipsius focii benē conscii, edulia Nabucodonosoris fastidiunt, aquā pro potu, leguminibus pro cibo vescuntur, sit in ipsis ex miraculo, mens perspicacior, ex religionis proprietate, *post dies decem apparuerunt vultus eorum meliores & corpulentiores*. Sæpē & legitimē à jejuniō excusant *vita munia*: Non tam à ciborum qualitate, quā à quantitate & temporē refectionis dispensant. Ea sunt certa officia, quibus adimplendis ad Reipublicæ bonum, singuli adstringuntur homines. Pendent alia ex corporis moribus plūs minūve vehementibus, alia ex animi contentione magis aut minūs intensā. Utraque corpus afficiunt succi nutritii diversā dissipatione. Non à laborum specie, sed ab effectibus quos pariunt, desumenda excusationis causa. Reges, ipsorum Ministri, Oratores, Concionatores à jejuniō immunes sunt. Dispensantur etiam ii Quorum opera à robore pendet, sic Artifices, Viatores, Scholares & Pedagogi potissimū sunt à jejuniō excusandi, Ipsorum labos, respectu doctrinæ facillimus, ast respectu erudiendæ juventutis methodi, vehementissimus est. *Morbus* est causa sufficientissima & evidentissima homines à jejuniō excusans: Debet esse gravis, recens, totum corpus aut partem nobilem afficiens, ut admittatur tanquam legitimū impedimentum. Si sit confirmatus, ut caritas, non ab ullā jejunii conditione excusat. Nequē si ipsi proficiat Quadagesimalis, quales sunt medioeris scabies cum pruritu & arthritis. Morborum immunitatem indicantium duplex species; Alia eorum qui jejuniū præcedunt, Alia eorum qui ipso suscepto nascuntur. In hisce morbis videant Medici ac rigorosē examinent; nūm aliquid perversi irreperit in jejunandi ratione; Sunt enim qui à particulari cibo noxas percipiunt, quo omisso servari potest commodissimē jejuniū; Aliis nocet plurima comestio unicā vice facta, si minūs comedant, etiam si non cœnent, absque noxā jejuniū ferre poterunt; Aliis nocet ciborum varietas, simpliciori cibo sint contenti, nullo modo à jejuniō læduntur. Immunitas occasione morborum concessa, vel generalis, vel particularis. Scilicet alia Carnem, alia Ovorū esum

tantummodò permittit, Alia comestionem multiplicat, Alia refectionis horam mutat. Timor rationabilis *funuri mali* est iusta causa excusationis. Timendi rationes desumuntur, ex tenuitate corporis, cuiuscumque visceris debilitate, ex morbis præteritis facilem recidivam facientibus. Qui Nuper pleuritidem, peripneumoniam, jecoris inflammationem passi fuerunt, debet ipsis prohiberi victus Quadragesimalis. Nullus gloriatur se invitis jejunasse Medicis, *Non tentabis Dominum Deum tuum*. Uni sano licitum est suam explorare Naturam per hocce tempus, Experimentorum est opportuna tempestas. Quot tunc sumuntur cibi, tot observantur. Ex ipsorum impressionibus in Unumquemque hominem diversis, Singularis prodit Temperies, cujus notitia, *Ægri* suspitum est, Medici officium. Omne bonum à Deo est, omnisque scientia. Quàm dulce igitur est, quàm utile Quadragesimale jugum! Quis hoc non appetet, quis reformidabit, quis ipsum sustinendo non exultabit? Qui vult servari sanus, Quadragesimæ præcepto obtemperet Christianus; Sic jubet Religio, sic hortatur Medicina.

*Ergò sana Sanis Dieta Quadragesimalis.*

Proponebat Parisiis ADRIANUS MALAVAL, Parisinus,  
Baccalaureus Medicus, A. R. S.-H. 1733,  
à sextâ ad meridiem,